


Рассом-дизайнерлар ва хунаrmандлар учун аниқ талаблар




Қўлда гилам тўқиш

РАССОМ ВА ДИЗАЙНЕР УЧУН

- Эскизда нақш раппорти, марказий композиция, ҳошия ва ранглар сони аниқ кўрсатилсин.
- Дизайн қўлда тўқиш техникасида бажариладиган бўлсин; жуда майда, тўқишда йўқолиб кетадиган деталлар берилмасин.
- Турист учун олиб кетишга қулай формат таклиф этилсин: кичик гиламча, девор панноси, хуржун, сумка ёки жойнаmoz.
- Ўлчам, тахминий оғирлик, ип тури ва ранглар картаси алоҳида ёзилсин.

ХУНАРМАНД УЧУН

- Тўқиш зичлиги бир хил, четлари мустаҳкам тикилган ва иплари чиқиб кетмайдиган бўлсин.
- Маҳсулот табиий ёки хавфсиз бўялган толадан тайёрлансин; ранги қўлга ва кийимга юқмасин.
- Оғирлиги ва ҳажми турист багажи учун қулай бўлсин; катта маҳсулотлар учун ўрама-қадоқ ечими берилсин.
- Маҳсулотда ҳудуд, нақш номи ва материал ҳақида қисқа ёрлиқ бўлсин.



Қўлда газламалар тўқиш

РАССОМ ВА ДИЗАЙНЕР УЧУН

- Эскизда матонинг ишлатилиш мақсади аниқ бўлсин: шарф, рўмол, сумка, либос детали, сувенир тўплам ёки интерьер буюми.
- Нақшлар тўқиш станогига амалга ошириладиган даражада содда ва такрорланувчи бўлсин.
- Матонинг эни, узунлиги, ранглар палитраси, ип тури ва нақш такрори кўрсатилсин.
- Дизайнда миллийлик замонавий маҳсулот шакли билан уйғунлаштирилсин.

ХУНАРМАНД УЧУН

- Матонинг зичлиги, ранги ва фактураси бир хил бўлсин; тўқимада узилиш ва нуқсонлар бўлмасин.
- Четлари тозалаб тикилсин ёки махсус ишлов берилсин.
- Маҳсулот ювиш, йиғиш ва олиб юришга қулай бўлсин.
- Ҳар бир маҳсулотда материал, парваришлаш усули ва ҳудудий келиб чиқиш ҳақида ёрлиқ бўлсин.




Тош ва суяк ўймакорлиги

РАССОМ ВА ДИЗАЙНЕР УЧУН

- Эскизда буюмнинг 3 томонлама кўриниши, ўйма чуқурлиги ва асосий рельефлар аниқ белгилансин.
- Жуда нозик, осон синадиган чиқинди қисмлар ва ҳаддан ташқари майда деталлардан қочилсин.
- Маҳсулот туристга оғир бўлиб қолмаслиги учун ўлчам ва оғирлик чеклови кўрсатилсин.
- Қутича, қаламдон, кичик панно, офис совғаси каби амалий функция берилсин.

ХУНАРМАНД УЧУН

- Буюм сирти силлиқ, бурчаклари хавфсиз ва пардози тоза бўлсин.
- Нозик қисмлар мустаҳкамланган, қирралари синиб кетмайдиган даражада ишланган бўлсин.
- Оғир маҳсулотлар кичик форматда тайёрлансин ва ҳимоя қутиси билан тақдим этилсин.
- Табиий материал манбаси ва ишлов бериш усули ҳақида қисқа маълумот берилсин.




Миниатюра, ранг-тасвир, наққошлик ва бўёқли нақшлар тайёрлаш

РАССОМ ВА ДИЗАЙНЕР УЧУН

- Эскиз фақат расм эмас, маҳсулотга қўлланадиган дизайн бўлсин: қутича, китоб муқоваси, панно, открытка, блокнот, сувенир буюм.
- Композиция, ранглар, ёзувлар ва нақш жойлашуви аниқ берилсин.
- Дизайнни қўлда чизиш, локлаш ёки бўяш орқали бажариш мумкинлиги кўрсатилсин.
- Маҳсулот юзасининг материали, ўлчами ва ҳимоя қопламаси кўрсатилсин.

ХУНАРМАНД УЧУН

- Чизиқлар тоза, ранглар барқарор, лок ёки ҳимоя қопламаси сифатли бўлсин.
- Ёзув ва нақшлар ўқиладиган, композиция маркази аниқ бўлсин.
- Маҳсулот қўлда ишланган бўлса-да, савдо учун тайёр кўринишда бўлсин.
- Қадоқда миниатюра сюжети ва миллий асоси ҳақида қисқа изоҳ берилсин.



Кандакорлик, мискарлик буюмларини тайёрлаш


РАССОМ ВА ДИЗАЙНЕР УЧУН

- Эскизда буюм шакли, ўлчами, нақш жойлашуви ва фойдаланиш вазифаси аниқ кўрсатилсин.
- Нақшлар қўл кандакорлиги билан тушириладиган даражада бўлсин; ўта майда ва такрорланмайдиган чизиқлардан қочилсин.
- Ички қисми озиқ-овқат билан тегишса, хавфсиз қоплама талаблари белгилансин.
- Турист учун кичик лаган, пиёла остлиги, қаҳва тўплами, шамдон ёки офис совғаси каби ихчам формат таклиф этилсин.

ХУНАРМАНД УЧУН

- Металл қалинлиги маҳсулотни эгилиб кетишдан сақлайдиган даражада бўлсин.
- Нақшлар тоза, симметрик ва қирралари хавфсиз ишланган бўлсин.
- Ички сирти фойдаланиш мақсадига мос равишда хавфсиз пардозланган бўлсин.
- Маҳсулот қорайишдан сақлаш ва тозалаш бўйича йўриқнома билан берилсин.

Рассом-дизайнерлар ва хунармандлар учун аниқ талаблар




Металлдан буюмлар яшаш

РАССОМ ВА ДИЗАЙНЕР УЧУН

- Танлов учун туристга мос кичик ва хавфсиз металл буюмлар устувор: шамдон, қўнғироқ, тутқич, безак, магнит, мини-панно.
- Эскизда кесиш, эгиш, пайвандлаш, кандакорлик ёки қуйиш усули аниқ кўрсатилсин.
- Олиб чиқишда чеклов бўлиши мумкин бўлган ўткир буюмлар асосий маҳсулот сифатида таклиф этилмасин.
- Буюмнинг оғирлиги, қирралари ва қадоқлаш усули алоҳида кўрсатилсин.

ХУНАРМАНД УЧУН

- Буюмда ўткир, қўлни кесадиган ёки кийимга илинадиган жойлар бўлмасин.
- Пайванд, эгиш ва бирикмалар мустаҳкам ва кўзга ташланмайдиган даражада тоза бўлсин.
- Занглашга қарши ишлов берилсин; бўёқ ёки қоплама кўчмасин.
- Маҳсулот хавфсиз қадоқда, фойдаланиш йўриқномаси билан тақдим этилсин.




Миллий пойабзал тайёрлаш

РАССОМ ВА ДИЗАЙНЕР УЧУН

- Дизайнда пойабзалнинг устки қисми, тагчарми, безаги ва кийиш қулайлиги алоҳида кўрсатилсин.
- Размерлар қатори, эркак/аёл/болалар учун мўлжалланганлиги ва мақсадли бозор белгилансин.
- Фақат саҳнавий кўриниш эмас, реал кийиладиган маҳсулот таклиф этилсин.
- Материал, тикиш усули, безак жойи ва оғирлик кўрсатилсин.

ХУНАРМАНД УЧУН

- Пойабзал кийганда қулай, ички қисми юмшоқ ва тикиш жойлари оёқни урмайдиган бўлсин.
- Тагчарм сирпанмайдиган, чоклар мустаҳкам ва безаклар тушиб кетмайдиган бўлсин.
- Бир жуфт маҳсулотда ўнг ва чап шакл, ранг ва ўлчам бир хил бўлсин.
- Қадоқда размер, материал ва парваришlash тавсияси кўрсатилсин.




Миллий либослар тайёрлаш

РАССОМ ВА ДИЗАЙНЕР УЧУН

- Эскизда силуэт, фасон, ўлчам қатори, мато тури, безак ва тикиш конструкцияси кўрсатилсин.
- Дизайн миллийликни сақлаган ҳолда замонавий кийишга мос бўлсин.
- Жуда оғир, фақат саҳнага мўлжалланган ёки кундалик/туристик бозорга мос келмайдиган дизайнлардан қочилсин.
- Қатланиб чемоданга жойланиши ва парвариши осон бўлиши ҳисобга олинсин.

ХУНАРМАНД УЧУН

- Тикиш сифати юқори, ички чоклар тоза, астар ва безаклар мустаҳкам бўлсин.
- Кийим танада қулай турсин, ҳаракатни чекламасин.
- Ранг, мато ва безаклар ювиш/сақлаш жараёнида тез бузилмасин.
- Маҳсулот размер ва парваришlash ёрлиги билан тақдим этилсин.




Бош кийимлар тайёрлаш

РАССОМ ВА ДИЗАЙНЕР УЧУН

- Эскизда бош кийим шакли, баландлиги, айланаси, нақш жойлашуви ва размери кўрсатилсин.
- Турист учун енгил, чемоданда эзилмайдиган ёки махсус қути билан сақланадиган вариант таклиф этилсин.
- Миллий нақш ҳудудий мактабга мос бўлсин, ортиқча безак билан оғирлаштирилмасин.
- Материал ва мавсумий фойдаланиш хусусияти кўрсатилсин.

ХУНАРМАНД УЧУН

- Бош кийим шаклини сақлайдиган, чоклари тоза ва ички қисми қулай бўлсин.
- Нақш, кашта ёки безаклар мустаҳкам ўрнатилсин.
- Материал терини қичиштирамайдиган ва ноқулай ҳидсиз бўлсин.
- Қадоқда размер, ҳудудий услуб ва сақлаш тавсияси берилсин.




Ёғоч ўймакорлиги

РАССОМ ВА ДИЗАЙНЕР УЧУН

- Эскизда буюм фақат катта эшик ёки панел эмас, турист учун олиб кетиладиган форматда таклиф этилсин: қутича, панно, қаламдон, рамка, кичик стол аксессуари.
- Ўйма чуқурлиги, нақш миқёси ва ёғоч тури кўрсатилсин.
- Майда ва синиб кетадиган ўйма чиқиндилардан қочилсин.
- Қадоқ ва ҳимоя қопламаси ғояси берилсин.

ХУНАРМАНД УЧУН

- Ёғоч қуруқ, ёриқсиз ва қийшаймайдиган даражада тайёрланган бўлсин.
- Ўйма чизиқлари тоза, қирралари силлиқ ва қўлга зарар етказмайдиган бўлсин.
- Лак, мой ёки бўёқ сифатли суртилсин, ёпишқоқлик қолмасин.
- Маҳсулот намлик ва урилишдан ҳимоя қиладиган қадоқда берилсин.




Гул босилган газламалар ва чокли буюмлар тайёрлаш

РАССОМ ВА ДИЗАЙНЕР УЧУН

- Дизайнда нақш раппорти, ранглар, буюм шакли ва тикиш конструкцияси кўрсатилсин.
- Гул босиш техникасида аниқ тушадиган, ювилганда бузилмайдиган нақш таклиф этилсин.
- Маҳсулот функцияси аниқ бўлсин: сумка, ёстиқ жилди, белбоғ, ёзги либос, сувенир тўплам.
- Матонинг тури, ўлчами ва безак жойи кўрсатилсин.

ХУНАРМАНД УЧУН

- Гул босилган жойлар бир хил, ранглари тарқалмаган ва ювишга чидамли бўлсин.
- Чоклар тоза, иплар чиқмаган, фурнитура мустаҳкам бўлсин.
- Маҳсулот қўлда ушлаш, кийиш ёки фойдаланишга қулай бўлсин.
- Парваришлаш ва ювиш бўйича ёрлиқ қўйилсин.




Каштачилик

РАССОМ ВА ДИЗАЙНЕР УЧУН

- Эскизда кашта жойи, нақш ўлчами, ранглар, ип тури ва қўлланиладиган буюм аниқ кўрсатилсин.
- Кашта фақат катта панно эмас, сотиладиган маҳсулотга айлантирилсин: сумка, ёстиқ, кийим детали, қутича қопламаси, аксессуар.
- Жуда майда ва кўп вақт талаб қиладиган нақшлар серияли ишлаб чиқаришга мослаштирилсин.
- Орқа томони қандай беркитилиши ва маҳсулотдаги жойлашуви кўрсатилсин.

ХУНАРМАНД УЧУН

- Кашта тикиш зичлиги бир хил, иплар осилиб қолмаган ва орқа томони тоза бўлсин.
- Нақш марказлашган ва маҳсулот шаклига мос жойлаштирилган бўлсин.
- Иплар рангини йўқотмасин, чоклар фойдаланишда ечилиб кетмасин.
- Тайёр буюм қадоқ, материал ва парваришлаш маълумоти билан берилсин.




Зардўзлик буюмлари

РАССОМ ВА ДИЗАЙНЕР УЧУН

- Дизайнда зардўзлик бе­за­ги маҳсулотнинг қайси қисмида бўлиши ва унинг майдони аниқ белгилансин.
- Қиммат ва оғир бўлиб кетмаслиги учун кичик, премиум совға формати таклиф этилсин: клатч, белбоғ, дўппи, қутича, мини-панно.
- Металл ип, мато асоси, нақш ва ранглар кўрсатилсин.
- Ортиқча ялтироқлик ва фойдаланишга ноқулай оғир конструкциялардан қочилсин.

ХУНАРМАНД УЧУН

- Зар иплар мустаҳкам тикилган, қирралари кийимга илинмайдиган бўлсин.
- Мато асоси таранг, буришмаган ва ички астари тоза бўлсин.
- Маҳсулот премиум кўринишда, ҳимоя қутісі билан тақдим этилсин.
- Сақлаш ва тозалаш бўйича тавсия берилсин.




Мусиқа асбобларини тайёрлаш

РАССОМ ВА ДИЗАЙНЕР УЧУН

- Эскиз ҳақиқий миллий мусиқа асбоби пропорцияларига мос бўлсин.
- Маҳсулот тури аниқ белгилансин: чалиш мумкин бўлган асбоб, миниатюра сувенир ёки интерьер безаги.
- Чалиш мумкин бўлган асбобда товуш чиқариш қисми, пардалар, торлар ва материаллар аниқ кўрсатилсин.
- Миниатюра вариантда ҳам асбобнинг миллий танилувчан шакли сақлансин.

ХУНАРМАНД УЧУН

- Агар маҳсулот чалишга мўлжалланган бўлса, товуши соз, торлари ва корпуси мустаҳкам бўлсин.
- Миниатюра сувенирда пропорция, безак ва пардоз тоза бажарилсин.
- Бирикмалар елим изисиз, корпус ёриқсиз ва қирралари силлиқ бўлсин.
- Қадоқда асбоб номи, ҳудуди ва қисқа тарихи ёзилсин.



Чинни, фаянс ва сопол буюмлар тайёрлаш

РАССОМ ВА ДИЗАЙНЕР УЧУН

- Эскизда буюм шакли, девор қалинлиги, безак жойи, ранг ва сир тури кўрсатилсин.
- Турист учун кичик ва ўрта ҳажмдаги, осон қадоқланадиган буюмлар устувор: пиёла, лаганча, магнит, қутича, чой тўплами.
- Жуда ингичка тутқич, нозик чиқинди ва осон синадиган шакллардан қочилсин.
- Озиқ-овқат билан ишлатиладиган буюмларда хавфсиз сир талаблари белгилансин.

ХУНАРМАНД УЧУН

- Сопол тўлиқ пишган, сирти ёрилмаган, пуфак ва нуқсонларсиз бўлсин.
- Сир ва бўёқлар хавфсиз, қўлга юқмайдиган ва тез кўчмайдиган бўлсин.
- Буюм тик турганда барқарор, тутқичлари мустаҳкам ва қирралари силлиқ бўлсин.
- Синишдан сақловчи алоҳида қадоқ мажбурий таъминлансин.




Қимматбаҳо металлдан заргарлик буюмларини ясаш

РАССОМ ВА ДИЗАЙНЕР УЧУН

- Эскизда буюмнинг ўлчами, оғирлиги, металл тури, пробаси, тош ёки безак элементлари кўрсатилсин.
- Миллий нақш замонавий тақишга қулай шаклда берилсин; жуда оғир ва кийимга илинадиган дизайнлардан қочилсин.
- Қулф, илгак, занжир ва бирикмалар техник ечими чизилсин.
- Танлов иши муаллифлик дизайни бўлиши ва кўчирма бўлмаслиги шарт.

ХУНАРМАНД УЧУН

- Заргарлик буюми қонунчилик талабларига мувофиқ проба/тамға ва тегишли ҳужжатлар билан тақдим этилсин.
- Қулфлар мустаҳкам, тошлар қаттиқ ўрнатилган ва қирралар силлиқ бўлсин.
- Буюм тақишга қулай, терини тирнамасин ва кийимга илинмасин.
- Премиум қадоқ, материал паспорти ва парвариш тавсияси берилсин.




Миллий қўғирчоқ ва ўйинчоқлар тайёрлаш

РАССОМ ВА ДИЗАЙНЕР УЧУН

- Эскизда персонаж, либос, юз ифодаси, материал ва миллий ҳикояси аниқ берилсин.
- Ўйинчоқ болаларга ёки коллекционерларга мўлжаллангани кўрсатилсин.
- Майда ажралиб кетадиган қисмлар, ўткир деталлар ва хавфли бўёқлардан қочилсин.
- Қадоқ ва қисқа “ҳикоя карточкаси” дизайни таклиф этилсин.

ХУНАРМАНД УЧУН

- Барча қисмлар мустаҳкам тикилган ёки ўрнатилган бўлсин; майда деталлар осон ажралмасин.
- Бўёқ, мато ва тўлдиргичлар хавфсиз бўлсин.
- Қўғирчоқ тик турганда ёки ўтирганда барқарор бўлсин, шакли тез бузилмасин.
- Ёрлиқда ёш тоифаси, материал ва парваришлаш усули кўрсатилсин.




Майда ҳайкалтарошлик буюмларини тайёрлаш

РАССОМ ВА ДИЗАЙНЕР УЧУН

- Эскизда ҳайкалчанинг мавзуси, ўлчами, оғирлиги, таянч нуқтаси ва материал тури кўрсатилсин.
- Жуда ингичка қўл, найза, қанот ёки синиш эҳтимоли юқори қисмлардан қочилсин.
- Маҳсулот музей сувенири, офис столи, китоб жавони ёки интерьер учун ихчам форматда бўлсин.
- Миллий образ, тарихий қаҳрамон ёки рамз танланса, унинг асоси қисқача изоҳлансин.

ХУНАРМАНД УЧУН

- Ҳайкалча барқарор турсин, оғирлик маркази тўғри бўлсин.
- Сирт ишлови тоза, қирралари хавфсиз ва бўёғи кўчмайдиган бўлсин.
- Нозик қисмлар мустаҳкамланган ёки шакл соддалаштирилган бўлсин.
- Қадоқ синишдан сақлайдиган қилиб тайёрлансин.



Чарм маҳсулотларини тайёрлаш

РАССОМ ВА ДИЗАЙНЕР УЧУН

- Дизайнда маҳсулот функцияси аниқ бўлсин: ҳамён, камар, паспорт ғилофи, сумка, брелок, ноутбук/телефон ғилофи.
- Чарм тури, тикиш усули, фурнитура, чўнтаклар ва ўлчамлар кўрсатилсин.
- Нақш ёки тамға босиш жойи, миллий элемент ва ранглар белгилансин.
- Маҳсулот халқаро туристнинг кундалик эҳтиёжига мос бўлсин.

ХУНАРМАНД УЧУН

- Чоклар текис, четлар пардозланган, елим излари кўринмасин.
- Фурнитура мустаҳкам, молния/тугма/қулф ишлаши осон бўлсин.
- Чармда ёқимсиз ҳид, доғ ва ёриқлар бўлмасин.
- Қадоқда материал, парваришлаш ва ишлаб чиқарувчи маълумоти берилсин.



Ёғочдан халқ хунаrmандчилиги маҳсулотларини тайёрлаш


РАССОМ ВА ДИЗАЙНЕР УЧУН

- Эскизда амалий фойдаланиш аниқ бўлсин: ошхона буюми, стол аксессуари, шахмат, рамка, нон қути, сувенир қути.
- Озиқ-овқат билан тегадиган буюмларда хавфсиз қоплама талаблари кўрсатилсин.
- Катта мебел ўрнига туристга мос кичик ва ўрта ҳажмдаги маҳсулотлар устувор бўлсин.
- Бирикма, ўлчам, ёғоч тури ва ишлов бериш усули кўрсатилсин.

ХУНАРМАНД УЧУН

- Ёғоч қуруқ, ёриқсиз, ҳидсиз ва фойдаланишда қийшаймайдиган бўлсин.
- Ошхона буюмлари учун хавфсиз мой/лак ишлатилсин.
- Бирикмалар мустаҳкам, сиртлари силлиқ ва қирралари хавфсиз бўлсин.
- Маҳсулот фойдаланиш йўриқномаси ва ҳимоя қадағи билан берилсин.

Рассом-дизайнерлар ва хунаrmандлар учун аниқ талаблар




Новдалардан буюмлар тўқиш

РАССОМ ВА ДИЗАЙНЕР УЧУН

- Дизайнда шакл, ўлчам, тўқиш зичлиги, тутқич ва юк кўтариш вазифаси кўрсатилсин.
- Маҳсулот турист учун енгил ва амалий бўлсин: сават, сумка, қути, чой тўплами қутиси, интерьер буюми.
- Новда табиий ранги ёки бўяш усули кўрсатилсин.
- Осон синмайдиган ва чемоданда деформацияланмайдиган конструкция таклиф этилсин.

ХУНАРМАНД УЧУН

- Тўқиш зичлиги бир хил, учлари ичкарига яширилган ва қўлни тирнамасин.
- Тутқич ва асос қисми юк кўтаришга чидамли бўлсин.
- Новдалар қуруқ, ҳашаротсиз ва нохуш ҳидсиз бўлсин.
- Маҳсулот енгил, тоза ва чиройли ёрлиқ билан тақдим этилсин.




Эсдалик буюмларини тайёрлаш

РАССОМ ВА ДИЗАЙНЕР УЧУН

- Дизайн “оддий сувенир” эмас, аниқ ғоя ва миллий ҳикояга эга бўлсин.
- Маҳсулот турист учун тушунарли, кичик, енгил ва нарх жиҳатидан бозорбоп бўлсин.
- Эскизда материал, ўлчам, ранг, фойдаланиш вазифаси ва қадоқ кўрсатилсин.
- Битта дизайндан турли нарх сегментлари: бюджет, ўрта ва премиум вариантларини чиқариш имкони бўлсин.

ХУНАРМАНД УЧУН

- Маҳсулот сифати савдо растасига қўйишга тайёр даражада бўлсин.
- Ёпиштириш, бўяш, бириктириш ва пардозлаш ишлари тоза бажарилсин.
- Қадоқда маҳсулот номи, ҳудуди ва қисқа ҳикояси ёзилсин.
- Ишлаб чиқариш кичик партияда такрорланадиган бўлсин.



Оддий металлдан миллий услубда тақинчоқлар яшаш

РАССОМ ВА ДИЗАЙНЕР УЧУН

- Эскизда тақинчоқнинг ўлчами, оғирлиги, қулфи, бирикмалари ва тақиш усули кўрсатилсин.
- Миллий шакл замонавий кийим билан тақишга мослаштирилсин.
- Жуда оғир, терини қичиштирадиган ёки кийимга илинадиган деталлардан қочилсин.
- Металл тури, қоплама ва антиаллергенлик масаласи ёзилсин.

ХУНАРМАНД УЧУН

- Қирралар силлиқ, қулфлар мустаҳкам ва тақинчоқ тақишга қулай бўлсин.
- Металл қопламаси тез қораймайдиган ва терини бўямайдиган бўлсин.
- Зирак, узук ва билагузукларда ўлчам аниқлиги таъминлансин.
- Маҳсулот кичик қутча ва материал ҳақида ёрлиқ билан берилсин.




Макраме ва қўлда тўқилган буюмлар тайёрлаш

РАССОМ ВА ДИЗАЙНЕР УЧУН

- Эскизда тугун/тўқиш схемаси, ўлчам, ип тури ва фойдаланиш вазифаси кўрсатилсин.
- Маҳсулот замонавий интерьер ёки аксессуар сифатида қўлланиши аниқ бўлсин.
- Турист учун енгил, йиғиладиган ва олиб кетишга қулай дизайн таклиф этилсин.
- Ювиш, сақлаш ва шаклни сақлаш масаласи ҳисобга олинсин.

ХУНАРМАНД УЧУН

- Тугунлар ва тўқиш зичлиги бир хил, ип учлари тоза беркитилган бўлсин.
- Маҳсулот шаклини сақласин, осилганда ёки фойдаланганда чўзилиб кетмасин.
- Иплар тўқилмайдиган, ранглари тез ўчмайдиган ва терига ёқимли бўлсин.
- Парваришлаш ёрлиғи ва ихчам қадоқ билан тақдим этилсин.



Қуроқчилик усулида тикиш

РАССОМ ВА ДИЗАЙНЕР УЧУН

- Эскизда қуроқ схемаси, ранг композицияси, бўлақлар ўлчами ва маҳсулот шакли кўрсатилсин.
- Катта кўрпа билан чекланмасдан, туристга мос маҳсулотлар таклиф этилсин: ёстиқ жилди, сумка, жилд, панно, косметичка.
- Матолар уйғунлиги, ички астар ва фойдаланиш вазифаси кўрсатилсин.
- Ишлаб чиқаришда мато сарфи ва такрор тикиш имкони ҳисобга олинсин.

ХУНАРМАНД УЧУН

- Қуроқ бўлақлари аниқ кесилган, чоклар тўғри ва бурчаклар мос келган бўлсин.
- Астар, қавиқ ва чет ишловлари тоза бажарилсин.
- Маҳсулот ювилганда шаклини йўқотмасин ва ранглари аралашиб кетмасин.
- Қадоқда материал, парваришлаш ва миллий нақш ҳақида маълумот берилсин.